



續國雅品目

目中稱字及名者原本未詳也此準昭明文選目列

陽湖陶氏撰

卷一 國初迄洪武末凡四十五人

鄭高士 朱中翰 王山人 顧博士 孫丹陽

錢山人 胡教授 王忠文 宋文恪 陶學士

吳學士 張山人 蘇翰編 錢子正 劉彥亨

藍僉事 包二守 王宗常 呂博士 黃尚書

錢翰撰 王給事 湯將軍 梁處士 劉汝弼

劉僉憲 湯端夫 朱仲諠 貝紀善 華隱君

劉崇明 宋舍人 章 閻 劉忠愍 殷教諭

鮑仲孚 唐僉憲 許訓導 韓春坊 張尚書

錢遠可 朱教諭 顧允迪 茹壽光 茹季清

卷二 永樂迄天順凡五十人

練左都 胡教授 解學士 李繼本 金文靖

王內敬 鄭元亨 胡忠安 劉師邵 晏振之

鄒翰講 王溧水 瞿長史 徐德熙 王修撰

陳禮侍 王文安 周文襄 陳文定 周學士

張迪 魏文靖 蕭尚書 程中丞 趙鄱陽

謝復古 趙伯貞 谷宏 晏僉憲 黃翰檢

金長史 熊敬方 秦方伯 蘇秉衡 蘇秉貞

沈通理 陳少尹 吳文恪 劉文介 劉大參

朱子榮 管長史 王別駕 章文重 楊文懿

陳漢昭 胡方伯 徐武功 沈隱君 柯學士

卷三 成化迄正德凡六十五人

成僉憲 陳工部 錢偃師 夏評事 岳太守

張訓導 沈處士 程學士 張南安 王文恪

林司寇 史山人 彭文思 王給事 陳翰林

聶掌教 黃長樂 吳彥貞 陸太常 儲文懿

方瓊州 都太僕 王方伯 秦封君 秦端敏

秦通叅 莫文學 謝文肅 王山人 羅建寧

周大叅 朱吉安 顧文僖 杭中丞 孫太守

俞大叅 徐尚書 李布政 張戶部 左進士

王大僕 王處士 陸文裕 呂禮侍 周襄敏

周尚書 蕭憲副 段主政 戴刑部 錢山人

顧同府 胡中丞 周諫議 周山人 朱福州

王僉事 謝處士 謝學憲 錢臨江 敖方伯

薛隱君 劉司馬 唐進士 楊禮部 錢處士

卷四 嘉靖迄萬曆凡五十人

潘司空 許太常 馮太守 顧廉訪 蘇督府

劉僉憲 浦宮贊 謝中丞 曹光祿 侯方伯

王司馬 田兵部 駱翰編 鄔憲副 強德州

陸盧龍 王侍御 華比部 何少叅 毛濟南

陳隱士 鄧山人 方僉憲 洪刑侍 范學憲

楊進士 張貢士 馮汝強 李千戶 王山人

羅山人 錢員外 朱光山 李比部 劉玄子

宋禮部 王昆山 朱山人 趙文學 徐文學

顧伯子 王貢士 林公子 汪山人 鄧徵甫

沈光祿 張憲副 張文忠 唐中舍 張光祿

邵山人 李司馭

續國雅卷之一

勾吳顧起綸玄言纂

顧子述續曰時爲之語云 國雅尚矣續此無濫者乎
或云弗雅斯濫矣雅則曷爲濫乎誠哉其言之也余鈔
明詩旣得二十卷海內故多名家家有一二篇什之雅
者漫不及編卽品所稱瑣瑣瑟瑟靡非寶也乃藏之篋
笥將有嗣乎續之居無何而俞氏百家後編出始克摺
摭互證而并鈔焉夫惟 明詩浩瀚蓋不可勝載抑續
例旣畧而所見不廣特稍次未備尚冀後之作者相踵
纂緒大哉成乎斯寔曠代英靈振古逸響光翼我

明何其興之盛也嗟余末學識謏目眊芟蕪披菁存什
 一於千百業殆未覈自責弗諱揆之是編也皆原于大
 雅茲復續而裨之蓋云備矣間有逾詞兼采則事美一
 時義歸千載聲切樹風在所不廢於是乎譏其濫也又
 如雅何萬曆改元夏五既望題於玄中小史

鄭高士

名元祐字明德遂昌人元季國初名士

題商德符贈周隱君圖

玉堂商公五色筆硯坳能令海水立終南泰華春雲開
 草木龍葱紫烟溼僊人樓觀山之阿中有采芝人歎訝
 待渡者誰欲相過盤盤磴道開烟蘿吳下周君學僊久
 與公素為方外友萬金持贈君不顧得此夜光衝戶牖
 自公騎箕君亦老百靈與之護祕寶藏之此山全不朽
 長有空歌下蓬島

宮詞

曲曲闌干水殿涼紅綃扇底芰荷香按歌誤觸鴛鴦起
 宮漏今宵分外長

朱中翰

名芾字孟辯華亭人元季名士洪武初中書舍人

賦秦淮送宋仲珩

春漲曉泫泫空明澹孤嶼中流送行舟綠波渺南浦鷗
 從青鏡下人立滄溟語素縠漾涼颺圓紋散踈雨桺葉

懷舊題後庭歌弔古因之寄離情前洲采芳杜

題畫

夜窓聽雨話巴山又入瀟湘水竹間渺渺冥鴻誰得似
碧天飛去又飛還

王山人

名蒙字叔明元季名士洪武初隱黃鶴山

宮詞

南風吹斷采蓮歌夜雨新添太液波水殿雲廊三十六
不知何處月明多

客中感懷

十年踪跡厭紅塵功業無成白髮新夢裏不知身是客
覺來惟有影相親夕陽衰草梁園暮細雨閑花楚水春
馬足經行今幾度溪山應笑未歸人

荆溪懷古

太湖西畔樹離離故國溪山入夢思跨鶴未歸人世換
歲時誰祭斬蛟祠

林泉讀書圖

調古世寡和材疎自無羣種玉闕奇術還丹隱玄文披
裘負薪士拾金罕所聞雖無箕穎節亦不慕高勲石田
長芝草暮春自耕耘曲肱抱耒耜長歌至日曛所樂良
在茲沒歲復何云

顧博士

名祿字謹中華亭人
洪武初太常博士

秋夜

一寒一暑相推移四時平分秋最悲
山川蕭條草木萎金風淅瀝吹羅帷
夜何長兮晝何促欲眠不眠歎幽獨
樓上寒更聲斷續飛蛾翩翩繞殘燭

次韻夜泊

海近潮初上江清天倒流故鄉頻入夢
此地獨維舟落鴈沉霜鏡潛魚避月鈎
不眠催早發歷歷數更籌

孫丹陽

名炎字伯融句容人
編跛博學善詩歌洪武初池州太守
從征死節處州追封丹陽男

龍灣城

龍灣城壯如鐵城下是長江城頭有明月
月色照人心不移江水長流無盡時

寶劍歌

公與劉文成友善此作以贈劉也

寶劍光耿耿佩之可以當一龍只是陰山太古雪
為誰結此青芙蓉明珠為寶錦為帶三尺枯蛟出冰海
自從虎革裹干戈飛入芒碭育光彩青田劉郎漢諸孫
傳家惟有此物存匣中千年睡不醒白帝血染桃花痕
山童神全眼如日時見蜿蜒走虛室我逢龍精不敢彈
正氣直貫青天寒還君持之獻 明主若歲大旱為霖雨

錢山人

名惟善字思復號曲江錢塘人

孫丹陽

續國維卷三

西湖竹枝詞

阿姊住近段家橋
山妬蛾眉柳妬腰
黃龍洞前黑雲起
早回家去怕風潮

杜子美

四郊多壘未還鄉
又別潼關謁鳳翔
九廟君臣同避難
十年弟妹各殊方
中興百戰洗兵甲
萬里一身愁虎狼
寂寞羈懷窮獨叟
按歌懷古恨茫茫

胡教授

名翰字仲申金華人
洪武初衢州府教授

日出照高樹

日出照高樹
翳翳綠當戶
端居念友生
淹泊何處所
西

路阻且長東流莽回互
豈云阻音容亦乃乏書素懷德
必有鄰興言自中古
振衣起予見此褐之父

擬古

飲酒須飲醇
結交須結真
貌合不足貴
言合寧可珍
長安桃李樹
家家自陽春
常時握手者
孰是同心人
吳中有雙劍
一奉洛陽賓
精靈颯然合
萬里情相親

王忠文

名禕字子充義烏人洪武初翰林待制諡忠文

築城謠

朝築城莫築城
築城欲高高輒崩
江南五月盛霖雨
隨崩隨築人人苦
大家築城多賣田
小家賣產來助錢
朝

築一寸莫一尺盡是齊民膏血積爭道城高可防賊民
力已窮何所益君不見 陛下盛德猶如天四海一

家千萬年金湯之固非所恃何乃坐令民力敝

宋文恪 名訥字仲敏滑縣人
洪武初國子祭酒

壬子秋過元故宮

鬱葱佳氣散無踪宮外行人望九重一曲歌殘羽衣舞
五更粧罷景陽鐘雲間有闕摧雙鳳天外無車駐六龍
欲訪當時泛舟處滿池風雨落芙蓉

雲霄宮闕錦山川不在穹廬毳幙前螢燭夜遊隋苑囿
羊車春醉晉嬋娟翠華去國三千里玉璽傳家八十年

今日消沉何處問居庸關外草連天

陶學士 名安字主敬當塗人洪
武初翰林 國史學士

虎丘

海湧危峰翠拂天瘞來池劍化蜿蜒樓臺隱映王珣宅
樹石荒涼陸羽泉古塚月明無踞虎芳林春盡有啼鶻
名山勝境關情久祗爲登臨一繫船 危作
孤佳

吳學士 名祐字伯宗金谿人洪
武間官武英殿學士

余氏山南小隱

萬疊碧山紆淮南好隱居竹深清野澗林響夜窻虛古
巷多迴轍匡牀剩貯書忽聞歌誦起白石意何如

張山人

名昱字光弼廬陵人洪武初名士

歌風臺

世間快意寧有此亭長還鄉作天子沛宮不樂復何爲
諸母父兄知舊事酒酣起舞和兒歌眼中盡是漢山河
韓彭誅夷黥布戮且喜壯士今無多縱酒極懽留十日
感慨傷懷涕沾臆萬葉旌旗不自尊魂魄猶爲故鄉惜
從來樂極易生哀泗水東流不再回萬歲千秋誰不念
古之帝王安在哉莓苔石刻今如許幾度秋風灞陵雨
漢家社稷四百年荒臺猶是開基處

蘇翰編

名伯衡字平仲眉州人寓金華洪武初翰林院編修

題劉汝弼東原小隱圖

東源山水好聞說似終南種黍都爲酒誅茅小作菴過
門人問字看竹客停驂亦有幽棲意遲歸我獨慚

錢子正

名蒙無錫人

絕句

湖海風塵入鬢毛歸來燈火對兒曹道人不是封侯骨
錯把黃金鑄寶刀

劉彥亨

名渙字彥亨號石田會稽人

青樓怨

錦樓花霧飄綠塵芙蓉屏深凝淺春微酣着人嬌欲睡

綵雲載夢隔湘水雙螺小娃催理妝粉綿拂拭鸞鏡光
 濃黛掃眉柳葉長涼露濯手薔薇香家本石城南市住
 早年悔作青樓倡十八梳成金翅髻青蟲簪滑鴉背膩
 歌聲遶梁揭塵起細簧咽秋鳳雛語翠綃舞衣珠珮結
 砑金天鵝銀蛺蝶神女騎龍別楚宮巫雲蜀雨隨峽風
 別離何多懽會少牛女隔河怨秋老黃衫少年下樓去
 馬蹄隆隆浩無主

春日漫興

莫道梨花瘦楊花更可憐隨風消雨恨總在客窻前

藍僉事

名智字明之崇安人洪武初廣西按察僉事

秋日遊石堂奉呈盧僉憲

荒郊通逕僻野竹閉門深白日羲皇世青山綺皓心
 潛蛟多在壑宿鳥獨歸林知爾荷鋤倦時為梁甫吟

包二守

名聖字師聖江陰人洪武初岳州府同知

登岳陽樓

春城攜伴共躋攀極目風煙慘淡間桂嶺北來還有瘴
 洞庭南上却無山江通巴子三千里雲鎖湘娥十二鬟
 為語遊人莫吹笛潛龍淵在月波灣

王宗常

名彝字宗常蘇州人洪武初死于國難

偶題

呂博士
旅舍多歸夢今歸夢始真孤城五更雨百死一全身短
日同慈母浮雲是故人欲辭城郭去漁釣老江津

呂博士

名敏字志學號無碍居士
無錫人洪武初官邑學博

書雲林圖

蕊蕚夏林綠高齋方夕曛幽花垂滋露遠岫歛歸雲停
箠風初至移尊酒半醺明朝憶佳賞回首念離羣

題幼文蜀山書舍圖

雲鎖蜀山秋重來佛慧遊含毫得詩句題入畫中愁

黃尚書

名肅字子邕建昌人
洪武間工部尚書

短歌行

來日苦少去日苦多人生不滿百痛當奈何當復奈何
不如沽美酒置此高堂上與君長笑歌峻坂無停車急
川無停波不如沽美酒置此高堂上與君長笑歌人生
不滿百當復奈何痛當奈何來日苦少去日多

錢翰撰

名允昇字仲益無錫
人洪武初翰林修撰

送曾知府復任還歸州

空江潮上客帆開報政新從闕下迴御札已書盧奐
最州民爭望鄧侯來猿聲夜落夷陵峽鴈影秋橫滬
堆歸到永安湏弔古杜鵑啼處有荒臺

遊蓬萊道院聽李天山鼓琴

王給事
九
僊人鼓琴花滿庭我亦洗耳爲君聽風搖空林夜瑟瑟
泉落幽澗秋泠泠平生青袍作行客千載絕音聞廣陵
曲終日落醉歸去無數好山天外青

題畫寄長史

青山疊疊水粼粼迢遞停雲憶遠人落盡梅花無驛使
京華又是一年春

王給事

名佐字彥舉番禺人洪武間給事中

書所見感舊

小小銀箏壓坐偏曾將古調寄祁絃芙蓉綠水秋將老
鸚鵡金籠語可憐兩鬢秋霜明鏡裏十年春夢夜燈前

湖山隱約人如畫空負當年罨畫船

湯將軍

名胤勣字公讓濠梁人洪武中以裨將出守孤山死之

守宮詩

自是宮中一粒丹點時何易守時難鴛鴦夢冷情初斷
蜥蜴覓銷血未乾榴子色分金釧滑茜花光映玉鈎寒
幾回試捲香羅袖留與君王仔細看

秋思

點點青霜入鬢絲秋來觸景卽生悲
泱明砌下好顏色郭索沙邊多路岐
閭館有時還傍酒小窗無夜不吟詩
車中拉脅人潛久怪底穰侯料事遲

梁處士

名寅字孟孜號石門臨江人洪武初隱于羅浮

題西山程氏南窗

獨居南窗靜秋木連翠岑鳴琴衆葉下把酒孤猿吟
負朱紱願莫乖白雲心羨彼歸田叟高風留至今

和何彥正春耕

竹間樵逕行應熟花外漁舟望欲迷處處稻畦分落照
荷鋤人去水禽啼

劉汝弼

名仔肩字汝弼番禺人

公子曲

玉雪諸公子聯翩出鳳城柳橫絲障綠花擁繡衣
明寶

勒迴香騎金丸落小鶯晚酣邀上客歌吹滿蓬瀛

荆南江晚眺有感

沙頭寂寂晚維舟詞客重來感舊遊江上夕陽諸葛廟
雨中芳草仲宣樓天連錦水來春色雲暗襄陵起暮愁

回首可憐梁父意一官牢落向南州

劉僉憲

名丞直字宗弼贛州人洪武初浙江按察僉事

題孫子讓山水

斜日在松杉千崖暝色酣山藏五柳宅路轉百花潭
亂石明蒼玉遙峰露碧簪終希陪妙躅來此脫征驂

湯端夫

名益字端夫蘇州人

虎丘

虎是何年踞名存跡已亡塔從林外出山向寺中藏池
暗生寒氣臺荒受夕陽更無人弔古來祇為春忙

朱仲誼

名經字仲誼杭州人

題顧定之墨竹

虎頭諸孫總痴絕老安不痴乃用拙憶在吳中寫墨君
雪楮冰縑每飄撇妙處不減文湖州同時更有柯丹丘
眼底只今無此客使我悒悒懷風流蒼梧想見斑竹活
看畫忽焉憂思豁安得二老從之遊搔首涼風起天末

貝紀善

名翺字季翔崇德人
洪武初楚府紀善

未央宮瓦頭歌

赤龍西飛入咸陽烏騅噴火焚阿房阿房已灰騅亦逝
渭水參差開未央未央宮殿中天起乃公見之怒仍喜
壯麗方推相國能萬戶千門從此始南山相對雙闕開
函關夜啓侯王來奉觴上殿嘑萬歲拔劍斫柱何雄哉
玉階一污新都履舊宅重開洛陽水東西照耀四百秋
漢基半與周基似長楊昨夜西風早錦繡椒塗跡如掃
誰言長樂殊未央回首青青千里草可憐遺瓦至今存
古今不剥莓苔痕銅雀有歌哀白日鴛鴦無夢恨黃昏
梁國老人愛奇雅錦囊得之百金賈茆齋風雨伍陳玄

華隱君
猶作金人淚如瀉朝來搦得寄江城舊物相看無限情
白髮張衡足愁思何人相與話西京

華隱君

名幼武字彥清無錫人洪武初名士

宿蠡口

春風吹短棹迤邐望歸程楊柳溪邊戍旌旗野外城市
橋人迹少官路馬蹄平欲過東湖宿邊烽止夜行

題秋江送別圖

送別滄江曲其如別意何疎林秋日薄遠岫白雲多盡
飲離筵酒何煩鼓枻歌相思明月夜浩蕩隔煙波

芭蕉

窗外芭蕉映碧油翠綃成幄覆清幽從添夜雨瀟瀟響
可愛晴雲冉冉浮學扇近人能却暑題詩留客不禁秋
高柯好護青青玉要使相輝竹外樓

劉崇明

名秩字伯序豐城人洪武初崇明知州

裁衣行

裁衣須裁短短衣短衣上馬輕如飛縫袖須縫窄窄袖
窄袖彎弓不礙肘短衣窄袖時樣新殷勤寄與從軍人
願郎着衣便弓馬破敵長驅古城下明年佩印披紫緋
裁衣不比從軍時

雞初鳴

馬初嘶雞初鳴夜待旦日兼程昨日晚出長安城今日
早望橋山行東西相去四百里明日山北猶晨征不緣
薄宦苦相縈何得如此勞吾生君不見路無窮人易老
離家不如在家好我家萬里在江南回首天涯歸不早

宋舍人

名璩字仲衍中書舍人
文憲公景濂子

春夜詞

春閣凝溫翠雲繞五色流蘇垂嫋嫋美人自脫玉花鈿
子帳香棲綠衣鳥銅鳧漏聲夜初墮紅暈搖晴燃蠟火
欲寄相思無鯉魚月色梨花愁朶朶謾將軟帶結同心
開簾微步鞦韆陰芳眠未穩鴛鴦枕早樹重重唬翠禽

章

閻不詳字里

送張二貢士

烟靄散春晴亂鴉深樹鳴千山懸落日一騎出孤城急
管催離宴飛花亂旅情殷勤懷上策謁帝向承明

劉忠愍

名珣字永樂吉水人
翰林侍講卒諡

山居

水抱孤村遠山通一徑斜不知深樹裏還住幾人家

殷教諭

名奎字孝章崑山人
洪武間薦授教諭

春草

東風到咸陽吹起原上草偶然出門去迷却平陵道此

處斷人腸得似江南好

鮑仲孚

名恂字仲孚崇德人洪武間以明經召至京固辭歸

次韻贈李煥章

輟棹鴛湖曲題詩竹寺幽濟時心事在為客歲時流逸
氣橫空隼閒情汎渚鷗聊歌白石爛或可慰淹留

唐僉憲

名泰字亨仲閩人洪武武間陝西按察副使

題劍閣圖

開國自蚕叢差我劍閣雄長江通灩澦遠岫接崆峒鳥
道寒雲外猿聲古木中征驂何處客寧不畏途窮

許訓導

名繼字士修號觀樂生海寧人洪武間儒學訓導

竹林王氏

巖巖色積鐵中外絕梁柱谷虛幽氣盈草潤流泉注閒
雲有卷舒暮宿此容與惟應薄太空去作人間雨
石磴綠蒼蒼負薪下層峭歌聲相應發山木閃殘照近
驚幽谷響遠答清猿嘯款乃江上音煙波豈同調

春懷故人

花紅南陌頭草綠東原上淑景方艷陽懷人獨惆悵尊
前日復夕天末徒凝望念此離索情不殊羈旅况

韓春坊

名守益字仲修號樗壽石首人洪武間春坊中允

過九江

夷險休渝節勤勞莫問家暮船維柳樹春水汎桃花廬
阜依霄漢江州對渚沙多情白司馬文藻詠琵琶

過彭蠡有懷陶令

擾擾元熙事相將晉鼎移豫州歸宋日陶令棄官時嘉
遯非干譽高風不易追如何弔形跡長使後人疑

懷遠縣

治平今有日因得遠人懷一水牂牁遠千山翡翠開竹
祠依澗壑縣郭半雲霾我正詢民瘼苗頽莫浪猜

張尚書

名籌字惟中號一悟
洪武初禮部尚書

劍石歌

干將飛空化爲石石邪劍邪誰復識陽文蘊秀墨色古
陰縵積潤苔花碧卻疑女媧補天時手斷鰲足爲立極
風霜剝蝕綠龜鱗鬼神搗護蒼龍脊東吳南越事已矣
何物君家乃有此好奇笑殺白猿公有道終歸赤帝子
日出遙瞻殺氣凝雨洗似聞妖血腥煅煉不資爐鞴力
胎胎自是陰陽精鳳山見之三太息至寶空爲豪者得
翻然作歌領其德神物揮霍生顏色我能爲爾礪鋒鏑
發爾幽潛使昭赫出掃妖邪扶正直莫令良善相戕賊
慎勿立此空庭側

錢達可

名允字達可號關鐵叟無錫人

林堂讀書

松雲蒼翠石泉清
蒨屋人家遠俗情
猿鶴未歸秋寂寂
隔林時聽讀書聲

朱教諭

名昇字彥昇號九峯樵者無錫人洪武間上虞教諭

望夫石

山日照離顏望夫上青山
青山日將晚行人去不返
望無休息長江浪花白
卻將望夫身化作山頭石
夫歸莫怪無妝束年年春雨苔衣綠

顧允迪

名協字允迪號秋碧無錫人

行路難

鳥道狹且危半腸細而曲
長安大道如掌平紛紛冠蓋
相馳逐一朝豺虎恣縱橫
秋風滿道無人行驅車我欲
向西去落日曠野無州城
行路難一何苦前有豺後有
虎人間大道不可行鳥道半腸何足數

茹壽光

名宏字仲洪號空侗無錫人永樂初任壽光丞

竹枝詞

妾心如水流西郎向蕭關
意莫疑肯學楊花無定性
隨風飛去即沾泥

茹李清

名湜字一清號養愚無錫人有瓜膚集

楊白花

揚白花身輕不由已一夕長風生飄飄渡江水江南處
處好繁華悠揚落地知誰家知誰家不復歸永巷春深
人跡稀悲歌連臂空腸斷回首長秋鴉亂飛

續國雅卷之二

勾吳顧

起綸玄言 選

練左都

名安字子寧新淦人
永樂初左都御史

水竹居詩

高人結宇脩篁裏軒戶玲瓏瞰流水庭皋月轉翠陰生
溪上風回青浪起翠陰青浪映窻扉曲徑臺深客到稀
林下移牀揮麈坐沙頭繫艇釣魚歸柴門無事臨流敞
高卧支頤聽清響千山暮雨石泉通一夜春雷籜龍長
几席清幽俗事疎波光盡日映圖書何年得遂辭塵鞅
杖策相從卜此居

胡教授

胡教授

名奎字虛白號斗南海寧人永樂初南康府教授

夢遊廬山

我有紫霞想夢遊匡廬峯仙人凌絕頂手掉金芙蓉
 亭九天上疊嶂崩騰涌波浪五色雲中白鹿鳴三更海
 底天雞唱懸崖瀑布從天來足練倒界青天開高人自
 是陸脩靜邀我石磴行莓苔九江秀色可攬結欲誇長
 鯨捉明月望斷蓬萊青鳥書琪花落盡無人折飛身上
 挹香爐煙坐卧九疊屏風前翻然拜余招五老一笑彷彿
 三千年松風泠泠吹夢覺鶴背高寒露華落蚤知此
 境隔塵凡只合棲神向丘壑何人寫此江上山雲山與

我心俱閒明當會碾颺輪去長謝時人去不還

解學士

名縉字大紳吉水人洪永間官翰林學士

題馬

秋露溥溥玉花白金鞭紫騮度香陌奚官穩控青絲韁
 天仗從容閑玉策歸來意氣閒且都欲飲靈泉跨沙磧
 何當披甲騎爾行一日長鳴空冀北

車逢逢

車輪何遙遙西上長安道不見車上塵空悲道傍草君
 行日已遠恩愛難自保憂來當如何一夕夢顛倒豈無
 中山酒一洗我懷抱但恐三春花顏色不再好車聲何

金文靖王內敬
粼粼風吹馬蹄塵願隨馬蹄塵飛逐君車輪

李繼本 名延興字繼本漢上人

讀賈誼王粲傳

白髮悲王粲青春羨賈生萬言詞慷慨一賦氣崢嶸
屈心猶壯依劉恨未平懷賢坐長夜斜月半窻明

金文靖

名善字幼孜新淦人永樂間少保武英殿大學士諡文靖

山窻夜雨

深澗垂蘿暗竹房半枝殘燭雨聲涼蕭條樹葉千峯裏
不獨猿聲斷客腸

王內敬

名諡字內敬山陰人

秋日懷孟熙

倏忽成遠別幽棲仍薜蘿草芳經雨歇蟲響入秋多
夜月柯亭市涼風鏡水波相期盡一醉何日更來過

鄭元亨

名嘉字元亨山陰人

秋日懷孟熙

故人丘壑隱塵路往來遲寒暑空相憶雲山不可期
古碑梅福寺荒井石郎祠舊日同遊處偏勞入夢思

胡忠安

名澐字源潔武進人永樂間禮部尚書諡忠安

訪張三丰至祥符寺見留題

交情久已念離羣獨向山中禮白雲龍送雨來留客住

鹿銜花至與僧分跡星出竹昏時見流水鳴渠靜夜聞
却憶故人知此隱題詩誰似鮑參軍

劉師邵

名師邵號半齋會稽人即孟熙之子

送張孝廉之京

別離知不遠情至亦潸然樹引投京路鷗隨出浦船去
程秋雨裏歸夢曉霜前親舊如相問卑棲似往年

楊柳枝

盈盈宰地垂萬萬綠煙絲最愛花如雪還憐葉似眉鴉
啼驚曙蚤鶯語覺春遲坐惜香閨婦年年怨別離

贈開元寺隆上人

自向錢塘住相將廿載餘息來諸妄斷老去萬緣疎洗
竹通幽徑攀藤補敝廬時時得佳句還向壁間書

晏振之

名鐸字振之蜀人

黃鶴樓

宦遊歲月易蹉跎對景其如感慨何黃鶴不來仙已去
古樓猶在客重過青山遠戍寒煙積芳草平洲夕照多
此日獨吟傷往事長江渺渺水空波

鄒翰講

名緝字士熙吉安人永樂間春坊庶子兼翰林侍講

白楊河

白楊河下春水碧白楊河邊多估客東風二月柳條新

却念行人千里隔岸上居人纔數家茅茨深處見桃花
小婦河邊汲新水老翁門外看雛鴉桑苗未青麥苗綠
牛羊散落村墟牧行客年年任往來居人自住楊河曲

王溧水

名懌字內悅山陰人
永樂間溧水知縣

出塞

長驅汗馬薊城陰雙鬢那知歲月侵一劍未酬平虜志
孤雲空引望鄉心窮秋烽火防邊急落日風沙度磧深
誰道轅門犒軍士却因戎吏請黃金

瞿長史

名佑字宗吉錢塘人永
樂初周府長史

故宮歎

金輪夜半北方起炎精未墜光先死青衣去作行酒人
泥馬來為失鄉鬼江頭宮殿列噴岬湖上笙歌樂宴安
魚羨自從五嫂乞殘酒却笑儒生酸格天閣上燒銀燭
申王計就斬王逐累世內禪諱言兵中興之功罪難贖
開邊釁動終倒戈師臣函首去求和木綿菴下新鬼哭
誤國重逢賈八歌琉璃作花禁珠翠上馬裙輕淚妝媚
朔風吹塵笳鼓鳴天目山崩海潮避往事興亡誰與論
亭亭白塔鎮愁寬惟有棲霞嶺頭樹至今人說岳王墳

舊鏡嘆

美人在時對鏡妝美人去後鏡無光玉臺零落白鳳凰

錦囊拋擲紅鴛鴦夜深啾啾聞鏡語何不持挂墳前樹
新人新鏡自相宜舊物荒涼無所依

徐德熙 名璩字德熙不詳里

秋日江館寫懷

水國天寒樹影稀西風又見鴈南飛郢中白雪無人和
湖上青山有夢歸獨對浮雲傷往事驚看秋草又斜暉
十年浪迹煙波外滿眼塵氛未拂衣

王修撰

名洪字希範仁和人
永樂間翰林修撰

送金生歸江南

朔雲千萬里歸興復如何鴻鴈雨中去蒹葭霜後多人

煙投遠戍驛路出長河惆悵東橋別涼風起暮波

舟中雜興

曠野杳無際孤舟齊魯間河流東下險天氣北來寒古
道蒼煙迴長亭落照閒微茫雲水外一點是梁山

陳禮侍

名璉字廷器廣州東莞
人永樂間禮部右侍郎

多景樓

獨倚闌干久涼風滿客衣樹從京口斷山到海門稀鴈
影橫秋色蟬聲送夕暉蕪城纔只尺樓堞望中微

王文安

名英字時彥金谿人永
樂初禮部尚書謚文安

扈從過來溝夜宿

初雨過符離雲霞望欲迷垂鞭信馬去隨輦聽鶯啼山
繞行營外溪迴帳殿西夜深聞鼓角天近日華低

雜詩

庭中多嘉木枝葉相蔽虧上有雙飛鳥朝出暮還歸和
鳴相顧盼乳哺得所依如何遠遊子汎汎東復西昨來
京洛間今赴北海涯迢遙歷崇坂車輪行且遲垂堂古
所戒寧不悲路岐私懷諒勿念但悲歲月馳顧此三嘆
息良會在何時

周文襄

名忱字恂如吉安人永樂間工部尚書諡文襄

尋天台李道士齋

瑤草迷行逕丹臺近赤城山川遙在望雞犬不聞聲谷
靜松花落橋橫澗水鳴雲間雙鶴下疑是紫鸞笙

陳文定

名敬宗字光世慈谿人永樂間國子祭酒諡文定

觀燈應制

皓月金門夜和風玉殿春雲移三島近燈簇萬花新天
仗臨丹扆星橋接紫宸中官宣德意燕賞及詞臣

元夕賜燈

紫禁踈鐘靜高城刻漏傳五雲迎寶蓋萬戶綴金蓮瓊
醴行仙席龍盤進御筵教坊呈百戲齊過玉階前

周學士

名述字崇述吉安人永樂間翰林侍讀學士

維揚懷古

廣陵河上路煬帝昔曾過不見瓊花發猶傳玉樹歌臺
荒衰柳在宮廢亂螢多欲問前朝事悲風起夕波

張迪 不詳字里

鴈來紅

蘇武音書寄便風上林飛箭落征鴻至今血染庭前草
一度秋來一度紅

魏文靖 名驥字仲房紹興蕭山人永樂間南京吏部尚書諡文靖

題趙松雪小像

天橫玉樹溥華滋水晶宮小春遲遲鷗波桂楫浮輕漪

桃笙豹枕羅香幃蜀琴啼鳳彈吳絲翠華渺渺羶塵飛
銅仙淚泣風淒淒瑤堦土蝕秋虫悲蟬衫寶璫雙螭
玉堂歸老江南時

蕭尚書 名鑑字孟勤泰和人永樂間尚書無學士

題山水圖二首

青山何岩堯下有嘉樹林高亭晝閒敞窻戶舍層陰前
村夜來雨石瀨張素琴好鳥鳴簷間始知春意深迴無
外物累嘿處抱冲襟對此案上書悠悠千載心安得謝
塵羈扁舟諧遠尋

身已與世違超然景方寂嘉樹敷層陰芳苔間行跡飛

淙如練懸斷崖若天闢亭亭山上雲齒齒溪中石豈無
同心人高談共晨夕簷虛嵐濕衣窻迴風生席雅趣良
足耽營營竟何益

程中丞 名本立字原道崇德人永樂初僉都御史

晚興分韻得影字

秋風絡緯啼金井月色樓臺漏聲靜美人遠在天一方
何以慰我心耿耿玉關不夜嫦娥老銀漢欲冰河鼓冷
強把相思托鳳簫小堦吹轉梧桐影

趙鄱陽 名宗文字不詳長洲人永樂初鄱陽知縣

金山寺

水天樓閣影重重化國何年此寄踪淮海西來三百里
大江中湧一孤峯濤聲夜恐巢枝鳥雲氣朝隨出洞龍
不盡登臨去帆疾蒼茫遙聽隔煙鐘

謝復古 名復古字不詳安福人

擬唐人長安春望

南山晴望鬱差峩上路春香玉輦過天近帝城雙闕迴
日臨仙仗五雲多鶯聲盡入新豐樹柳色遙分太液波
漢主離宮三十六樓臺處處起笙歌

趙伯貞 名介字伯貞番禺人

昭君圖

谷宏晏愈德
玉筋啼紅別漢京天驕含笑擬長城傍人莫訝腰肢瘦
猶勝嫖姚十萬兵

谷宏

閩人不詳字

行經華陰

雲間太華倚三峯積翠遙連渭水東遠塞鴈聲寒雨外
離宮草色暮煙中秦關日落行人少漢時天陰古戍空
寂寞武皇巡幸處祠前木葉起秋風

晏愈憲

名璧字彥之廬陵人永樂間山東按察僉事

奉天殿蚤朝

大輅新城駕象犀百宮雲集午門西天垂禁苑星辰近

春滿皇都雨露低殿陛風清馴虎豹御溝水暖散鳧鷖
中霄雪霽天顏喜丹鳳樓前降紫泥

黃翰檢

名守仁字約仲莆田人永樂間翰林檢討

題明上人翠屏晚對樓

飛構敞西南佳氣蔚將夕悠然禪誦餘了了見山色勢
凌層霄寒影落半川碧歸鳥送斜陽流光殊未息色相
坐來忘湛茲喧中寂閒意成獨吟浮雲澹無跡

送胡學士楊金二侍講扈駕北伐

六師北伐遶龍城遙羨詞臣扈蹕行兵畧曾從圯上得
檄書多向御前成黃沙白草雲隨馬畫戟雕戈雪照營

應想居庸關外路東風歸旆凱歌聲

金長史

名寔字用誠開化人永樂間王府長史

詠鶴鶻

淺寒愁露懸秋玉別苑蒹葭妬殘綠
襪襪百結簇雙翎
雄前唱歌雌應聲
草花生子霜未落
鷹鷂不來飽飲啄
雕籠金索調鸚鵡
華屋雖高心獨苦

題花鳥圖

香掩重門晝漏稀
一枝穠倚畫樓西
嬌禽也解幽人意
噤斷春聲不敢啼

熊敬方

名直字敬方吉水人

送邊將還舊鎮

易水長城本舊丘
旌旗西上路悠悠
朝吹出塞羌胡笛
夜坐籌邊古戍樓
飲馬直從青海上
射鵬遠過黑山頭
玉門關外思歸老
定遠應辭萬戶侯

秦方伯

名夔字廷韶無錫人天弘間江西布政使

送大司馬程公南征

雙旌遙指洞庭西
萬里籌邊息鼓鼙
玉帳夜寒刁斗急
轅門秋黑陣雲低
腰間龍劍懸秋水
篋裏天書照紫泥
會有恩威及南服
犬狼相繼入封題

蘇秉衡

名平字秉衡號雲溪海寧人

秋日書懷

十年京國敝貂裘萬事無成已倦游客裏青衫司馬淚
天涯明月杜陵愁秦淮煙暝砧聲夕楚澤雲深鴈影秋
南望故園歸未得懶將詞藻賦登樓

蘇秉貞 名正字秉貞號雲壑海寧人

南州有贈

天路無期到春湘帶恨流亂山愁對酒落日獨登舟書
劍憐同客江湖耐薄遊離心寄明月相逐遠悠悠

江南旅情

天涯爲客久生計日蕭條旅况頻看月鄉心猶聽潮春

歸江上蚤家在夢中遙無限相思意東風白下橋

沈通理 名愚字通理蘇州人

長安道

西望長安道東風吹綠塵鬪雞三市曉躍馬五陵春柳
色迷行客花香撲麗人金張居戚里遊宴不辭頻

陳少尹 名端字用端山陰人

送道士

樓觀入煙霞山深隔世譁時憑青鳥使去問赤松家玉
砌交芝草星壇遶杏花却慙浮世客玄鬢欲生華

吳中丞 名訥字敏德常熟人

寄以平

故人為客久何日賦歸田此去無千里相違已一年晨
鐘孤夢後夜雨短檠前無限相思意音書難盡傳

劉文介

名儼字宣化吉水人永樂間翰林侍讀諡文介

宮詞

霜月照簾櫳開簾獨凝佇玉闌花欵房金井桐垂乳風
傳百和香半車往何許嘿嘿整雲鬟鴉啼俄向曙

劉大參

名昌字欽謨蘇州人景泰中廣東參政

內直楊少保延話

翠玉樓臺映碧虛上皇曾此駐鑾輿當時官從皆能

事只說相如有諫書

朱子榮

名顯字子榮山陰人

歲暮柯亭道中

行旅正紛然危亭古道邊晚峯千樹雪寒隴幾家煙孤
棹荒城外歸心去鳥前浮踪未能定况復值殘年

管長史

名訥字時敏松江人永樂間楚府長史

丁丑仲春聞兄從軍不知成所憂而作

書劄望平安那知報急難宦途嗟我隔親塚念誰看煙
瘴南州熱風沙北地寒鵲鷓原上泪雙袖幾時乾

王別駕

名惟允字俊民無錫人景泰間鎮江府通判

自况一首時余得代將去官

未了公家事空餘夢幻身相逢青眼舊共嘆白頭新荆
棘風塵地桑麻雨露春故山歸去近何處是西神

章文重

名珍字文重不詳爵里

劉生

不事魯儒文談兵動主君開弓學明月射鴈落黃雲桃
葉迷歌扇榴花醉舞裙遨遊五陵地結納李將軍

楊文懿

名守陳字維新鄞縣人景弘間吏部侍郎贈禮部尚書謚文懿

歸鴈

迢遞天南鴈春來自北飛一行辭玉淑萬里向金微聲

斷梁雲迴影沈關月暉因嘆異鄉客經歲未能歸

陳漢昭

名顥字漢昭嘉興人

雲軒為月上人賦

高僧忘世相縛屋就雲深靜看千峯白幽棲半榻陰卷
舒雖有態去住本無心我亦來閒者何時一訪心

胡方伯

名智字宗愚會稽人天順間廣西布政使

關山月

明月影悠悠如輪復似鉤初懸榆塞外漸過柳城頭暈
滿瑣弓夜光涵寶劍秋故鄉何處是一望一生愁

徐武功

名有貞字元之蘇州人正統間尚書無大學士封武功伯

登獅子山

麥黃天氣爽如秋
乘興聊為萃萼遊
香徑踏花來洞口
小舟送酒過溪頭
橫塘樹色連龍塢
茂苑煙光接虎丘
絕勝竹林觴詠處
卽今誰數晉風流

沈隱君

名夢麟字元昭湖州人元季武康縣令國初歸隱

賦得浙江亭送張別駕

浙水秋風日夜哀
獨憐亭子倚江開
百年王氣從龍去
八月潮聲帶鴈來
吳越兵戈沙上語
江山風景掌中杯
不知別駕登臨後
載得書郵幾日迴

柯學士

名潛字孟時莆田人天咸間少詹事兼翰林院學士

舊朝靴

記得初成日先朝
禁直臣動移當輦轂
步履上星辰待
漏清霜滿築春玉
鏡新舊逢時綻
製猶有玉堦塵

遊囊山寺

下馬松關外行行
過虎溪鐘鳴知寺近
雲暝覺天低礮
底流泉滑巖頭古
樹齊何當謝塵鞅
此地卜幽栖

續國雅卷之二

國

牙
二

三

